



**REPUBLIKA E SHQIPËRISË
AUTORITETI I MBIKËQYRJES FINANCIARE
BORDI**

VENDIM

Nr. 106, datë 31.05.2019

PËR

**MIRATIMIN E NDRYSHIMEVE DHE SHTESAVE NË RREGULLOREN NR. 19, DATË
28.04.2015 “PËR AKTIVET NË MBULIM TË PROVIGJONEVE TEKNIKE DHE
LLOJET E INVESTIMEVE TË LEJUARA TË KËTYRE AKTIVEVE”**

Në bazë dhe për zbatim të nenit 14, pika 2, të Ligjit nr. 9572, datë 03.07.2006 “Për Autoritetin e Mbikëqyrjes Financiare”, i ndryshuar, me propozim të Departamentit të Mbikëqyrjes së Tregut të Sigurimeve, Bordi i Autoritetit të Mbikëqyrjes Financiare,

V E N D O S I:

1. Miratimin e ndryshimeve dhe shtesave në Rregulloren nr. 19, datë 28.04.2015 “Për aktivet në mbulim të provigjoneve teknike dhe llojet e investimeve të lejuara të këtyre aktiveve”, si vijojnë:

I.1 Në nenin 1:

I.1.1 Shprehja “që ushtrojnë veprimtari sigurimi në klasat e Jo-Jetës”, hiqet;

I.1.2 Pas shprehjes “përcaktimi i llojeve dhe karakteristikave të aktiveve në mbulim të provigjoneve teknike”, shtohet shprehja “të ndryshme nga ato matematike” dhe pas shprehjes “kategoritë e tjera të investimeve të aktiveve në mbulim të provigjoneve teknike”, shtohet shprehja “të ndryshme nga ato matematike”.

I.2 Në nenin 4:

I.2.1 Në pikën 1:

-Shkronja “a” dhe shkronja “b” hiqen;

-Në shkronjën “i”, shprehja “të vlerësuar në bazë të normave të amortizimit”, hiqet;

-Kjo pikë rigërmëzohet.

I.2.2 Në pikën 3, shkronjat “c”, “ç”, ”d” dhe “e”, hiqen.

I.3. Neni 5 ndryshon si vijon:

“Diversifikimi dhe kufizimi i investimeve të aktiveve në mbulim të provigjoneve teknike

1. Shoqëritë e sigurimit përsa i përket investimit të aktiveve në mbulim të provigjoneve teknike, mund të investojnë pa kufizim në:
 - a. Tituj të emetuar nga Qeveria e Republikës së Shqipërisë ose Banka e Shqipërisë;
 - b. Obligacione dhe tituj të tjerë borxhi, të garantuar nga Qeveria e Republikës së Shqipërisë;
 - c. Depozita në banka dhe/ose degë të bankave të huaja, me seli qendrore në Republikën e Shqipërisë;
 - d. Investimet në depozitat e garancisë së Kartonit jeshil pranë BSHS, sipas kërkesës së BSHS.
 - e. Shumat që detyrohen nga risiguruesit, që nuk janë pezull më shumë se 90 ditë nga lindja e detyrimit; Pjesën e risiguruesit në provigjonet teknike kur risiguruesit janë të klasifikuar si BBB- e më lart nga Standart & Poor;
2. Shoqëritë e sigurimit përsa i përket investimit të aktiveve në mbulim të provigjoneve teknike, të ndryshme nga ato matematike, mund të investojnë jo më shumë se:
 - a. 10 për qind të provigjoneve teknike bruto në obligacione dhe tituj të tjerë borxhi, të emetuar apo të shoqëruara nga garanci të qeverisjes vendore e Republikës së Shqipërisë, sipas përcaktimeve në germat c) dhe ç) të pikës 1 të nenit 97 të Ligjit 52/14;
 - b. 35 për qind të provigjoneve teknike bruto në obligacione dhe tituj të tjerë borxhi, të tregtuar në tregje të rregulluara në Republikën e Shqipërisë, sipas përcaktimeve në germën d), pika 1 e nenit 97 të Ligjit 52/14;
 - c. 5 për qind të provigjoneve teknike bruto në obligacione dhe tituj të tjerë borxhi, të cilët nuk tregtohen në tregje të rregulluara në Republikën e Shqipërisë, nëse emetuesi i tyre është person juridik me seli qendrore në Republikën e Shqipërisë, sipas përcaktimeve në germën dh), pika 1 e nenit 97 të Ligjit 52/14, me kusht që investimi i shoqërisë së sigurimit në një subjekt që emeton këto letra me vlerë nuk tejkalon 10 për qind të kapitalit të këtij të fundit;
 - d. 25 për qind të provigjoneve teknike bruto në aksione të tregtuara në tregje të rregulluara në Republikën e Shqipërisë, sipas përcaktimeve në germën e), pika 1 e nenit 97 të Ligjit 52/14;
 - e. 5 për qind të provigjoneve teknike bruto në aksione, të cilat nuk tregtohen në tregje të rregulluara në Republikën e Shqipërisë, nëse emetuesi i tyre është person juridik me seli qendrore në Republikën e Shqipërisë, sipas përcaktimeve në germën ë), pika 1 e nenit 97 të Ligjit 52/14;

- f. 40 për qind të provigjoneve teknike bruto në kuota/aksione të sipërmarrjeve të investimeve kolektive të regjistruara në Republikën e Shqipërisë, sipas përcaktimeve në germën f), pika 1 e nenit 97 të Ligjit 52/14;
- g. 10 për qind të provigjoneve teknike bruto për hua të siguruar dhe të pasiguar në Republikën e Shqipërisë, vetëm me kusht që këto të fundit të mos jenë siguruar nga shoqëri sigurimi apo banka të kontrolluara nga i njëjti grup që kontrollon dhe shoqërinë, sipas përcaktimeve në germën g), pika 1 të nenit 97 të Ligjit 52/14 dhe germës ç), pika 1, të nenit 4 të kësaj rregulloreje, përfshirë 5 për qind të provigjoneve teknike neto për çdo hua të vetme;
- h. 30 për qind të provigjoneve teknike bruto në Toka dhe Ndërtesa, përfshirë 10 për qind në çdo pjesë toke a ndërtese ose në një numër pjesësh toke apo ndërtesash, afër njëra tjetrës, sa mund të vlerësohen efektivisht një investim, vetëm në rast se plotësohen kërkesat e përcaktuara në germën gj) të pikës 1 të nenit 97 të Ligjit 52/14;
- i. Të marra së bashku, 15 për qind të provigjoneve teknike bruto në obligacione afatgjata dhe tituj borxhi afatgjatë të emetuar nga një vend anëtar ose vend anëtar i OECD-së; që janë të klasifikuar si BBB+ e më lart sipas Standart & Poor's ose vlerësimi ekuivalent nga vlerësues të tjerë ndërkombëtarë të njohur gjerësisht sipas përcaktimeve në germën a), pika 3 e nenit 97 të Ligjit 52/14 dhe neni 4, pika 2/a e kësaj rregulloreje dhe në obligacione afatgjata dhe tituj afatgjatë të emetuar nga një entitet joqeveritar i një vendi anëtar ose vendi anëtar të OECD-së; me kushtin që entitetet joqeveritare emetuese të jenë Banka Ndërkombëtare e Pagesave (BIS), Fondi Monetar Ndërkombëtar (FMN), Komisioni Evropian apo banka zhvillimi shumëpalëshe, nëse ato plotësojnë të gjitha kriteret e mëposhtme:
 - a. - i.1) Për këta tituj ekzistojnë tregje aktive të marrëveshjeve të riblerjes;
 - i.2) Titujt nuk janë emetuar nga bankat apo institucione të tjera financiare, sipas përcaktimeve në germën b), pika 3 e nenit 97 të Ligjit 52/14 dhe neni 4, pika 2/b e kësaj rregulloreje;
- j. 15 për qind të provigjoneve teknike bruto në investimet e mara së bashku sipas pikave i.1 dhe i.2 në vijim:
 - j.1: Aksione të emetuara nga një shoqëri aksionare e huaj, e cila tregton në tregje të rregulluara të kapitalit në një vend anëtar ose vend anëtar të OECD-së, sipas përcaktimeve në germën c), pika 3 e nenit 97 të Ligjit 52/14;
 - j.2: Në kuota/aksione të sipërmarrjeve të investimeve kolektive, të cilat tregtohen në një vend anëtar ose vend anëtar të OECD-së, sipas përcaktimeve në germën ç), pika 3 e nenit 97 të Ligjit 52/14.
- k. 1 për qind në kredi individuale hipotekore për apartamente banimi vetëm për punonjësit e shoqërisë së sigurimit, sipas përcaktimeve në nenin 4, pika 1/b e kësaj rregulloreje;
- l. 3 për qind të provigjoneve teknike bruto në formën e parasë dhe ekuivalentëve të saj, sipas përcaktimeve në nenin 4, pika 1/c e kësaj rregulloreje;
- m. 25 për qind e vlerës së provigjoneve teknike për llogaritë e arkëtueshme nga risiguruesit, si dhe pjesa e risiguruesit në provigjonet teknike, në përputhje dhe me germat d) dhe e), pika 1, të nenit 4 të kësaj rregulloreje;

- n. 20 për qind të provigjoneve teknike bruto në depozita në shoqëri ceduese dhe borxhe të zotëruara nga ato, sipas përcaktimeve në gërmën f), pika 1 të nenit 4 të kësaj rregulloreje;
- o. 5 për qind të provigjoneve teknike bruto në aktive të qëndrueshme të trupëzuara, të ndryshme nga tokat dhe ndërtesat, sipas përcaktimeve në gërmën h) pikën 1 neni 4 i kësaj rregulloreje;
- p. 5 për qind të provigjoneve teknike bruto në interesa dhe qira të maturuara dhe të ardhura të tjera të maturuara, sipas përcaktimeve në pikën i) neni 4 i kësaj rregulloreje;
- q. Shpenzimet e shtyra të marrjes në sigurim sipas përcaktimeve në pikën k) neni 4 i kësaj rregulloreje, por jo më shumë se 15 % e provigjonit të primit të pafituar.

2. Ngarkohet Departamenti i Mbikëqyrjes së Tregut të Sigurimeve, për zbatimin e këtij vendimi.

Ky vendim hyn në fuqi menjëherë.

KRYETAR
Pajtim MELANI

DREJTOR I PËRGJITHSHËM EKZEKUTIV
Ervin KOÇI